

DE CORPORIBUS EXTRANEIS  
INTRA ŒSOPHAGUM HÆRENTIBUS.

T H E S E S  
ANATOMICO - CHIRURGICÆ,

*Quas, DEO JUVANTE, & Præside M. TUSSANO  
BORDENAVE, Artium & Chirurgiæ Magistro,  
Scholarum Præposito, Professore Regio, Regiæ Chirur-  
gorum Academiæ Consiliario, & pro commercio Extraneo  
Secretario, tueri conabitur ANTONIUS DESTREMAU,  
Parisiinus, in almâ Universitate Parisiensi Artium Liberalium  
Magister, nec-non nuper Adjutor Primarij Castrorum Exer-  
cituumque Chirurgi.*

P A R I S I I S;  
IN REGIIS CHIRURGORUM SCHOLIS;  
*Die 24<sup>a</sup> Septembris, à sesqui-secundâ post meridiem ad septimam.  
Anno R. S. H. 1763.*

PRO ACTU PUBLICO  
ET  
MAGISTERII LAUREA:



Typis P. A. L. L E P R I E U R, Regii Chirurgæ Collegii  
Typographi.

---

---

M. DCC. LXIII.



DE CORPORIBUS EXTRANEIS  
INTRA OSOPHAGUM HAERENTIBUS.

# THESES ANATOMICO-CHIRURGICAE.

Quas, PRO IUVANTE, & Praeide M. TUSSANO  
RODOLPHO AVE, Actum & Chirurgiae Magistro,  
Scholarum Praeceptore, Professore Regio, Regis Chirur-  
gum Academiae Consilio, & pro commercio Extremo  
Secretario, tunc conatus, ANTONIUS D. STRAMAU,  
Magister, in eand. Universitate Praeceptor, Actum Libellum  
Magister, nec non super Adjuncti Primarii Cystorum Exer-  
citantur Chirurgi.

P A R T I S  
IN REGIS CHIRURGICORUM SCHOLIS,  
Die 22. Septembris, a Praeceptoribus per interitum ad septimum.  
Anno R. S. H. 1763.

PRO ACTU PUBLICO  
ET  
MAGISTERII LAUREAE.



Typo P. A. L. P. R. I. E. R. R. Regii Chirurg. Collegii  
Typographi.





*D. O. M.*

DE CORPORIBUS EXTRANEIS  
INTRA ŒSOPHAGUM HÆRENTIBUS.

THESES  
ANATOMICO-CHIRURGICÆ.



Um ex conditione suâ vivum corpus ex omni parte detrimentum patitur, eodemque quo vivit motu, eodem ad ruinam tendat, nisi deperditorum adsit reparatio, hinc homini alimentorum assumptio & digestio apprime utiles annumerantur. Fames & sitis, tum esculenti, tum potulenti necessitatem indicant; usus verò, appetitus, imò voluptas, absorbendi materiam & apparatus disponunt. His sensationibus modò ad malum continuò imminens avertendum cogitur, modò pro alimentorum specie, sapore grato ad actiones utiles invitatur homo; sicque sanum & vegetum servatur corpus.

102. 11. A



ALIMENTA solida diversas in ore tum à masticatione tum à salivâ subeunt mutationes, non item liquida. Utraque post varias labiorum, buccarum, linguæ, uvulæ, veli palati actiones, ab ore, mediante deglutitione per Œsophagum ad ventriculum determinantur. Maxima ad sanitatem Œsophagi utilitas: periculum enim machinæ immineret, si obstructus alimentis negaret aditum, aut his intrâ ipsum hærentibus via transitoris præcluderetur.

ŒSOPHAGUS est canalis cylindricus, partim membranaceus; partim musculosus pone trachæam hærens; sinistrorsum tamen lateraliter prominens, suprà vertebrae colli & dorsi situs. In gulâ ipsius principium ubi pharynx: per collum, thoracem, imò partem abdominis superiorem progreditur. In collo laxâ cellulari telâ, vicinis partibus adhæret; intrâ thoracem, mediastinum posterius permeat, ibique sinistrorsum tendens, per foramen in diaphragmate sinistrum, intrâ abdomen ad ventriculum penetrat, sicque ipsius in ventriculo finis, quo loco ipsius orificium superius constituit.

QUADRUPPLICEM membranarum seriem in Œsophago distinguunt Anatomici. Prima & exterior membrana efformatur à textu cellulari vicino, si thoracem excipias in quâ mediastinum posterius hunc canalem ambit. Musculosa altera, diverso fibrarum ordine conflatur: fibræ exteriores intersectæ, secundum longitudinem canalis excurrunt: interiores modò oblique transversales, modò transversales textum efformant intricatum, & spirales aut annulares strictè loquendo (a) non observantur. Tertia solidior albicans, nervosa vulgò nuncupatur; Rugas interiores secundum canalis longitudinem dispositas offert; ideoque musculosâ majorem habet amplitudinem. Quarta & interior membranæ oris, nariumque continua, quamdam habet cum villosâ intestinorum membranâ similitudinem. Ab eâ differt per villositatem leviolem: mollis, pulposa, humorem mucosum interiùs exhalat, partibus leniendis, alimentisque faciliùs deglutiendis idoneum. Duæ glandulæ peculiare, *Dorsales* aut *Œsophageæ* dictæ, suprà quintam è dorsi vertebra sitæ, eidem secretioni favere videntur. Partereâ structuram œsophagi constituunt vasa arteriosa, venosa, & nervosa à partibus vicinis mutuata.

(a) Winslow, *Expos. Anat. de la Poitrine*, n°. 259. Vid. etiam Morgagni, *Epist. Anat.* XI. n°. 50.



HÆC est naturalis Œsophagi conformatio. Vitiari tamen potest vel à primâ origine, uti observavit BLASIUS in infante quinque annorum nato, cui Œsophagus erat maximâ parte divisus, ita ut materiæ deglutiendæ hîc duplex daretur via; ductus tamen erat simplex, tum in principio, tum ubi erat ventriculo vicinus (a). Item tumefactis obstructisque glandulis constringitur, alimentisque via præcluditur; undè pejora accidentia & mors ipsa subsequuntur. Simile exemplum vidimus in muliere jamdudum ægotante, quæ post deglutationem difficilem, imò sub fine impeditam, obiit. Œsophagus post mortem dissectus, majorem in principio exhibebat tumefactionem, quâ paulatim auctâ, ferè evanuit ipsius cavitas, deglutitioque fuit prohibita. Quandoque etiam mutatâ partium structurâ, sponte coarctatur, uti memorat Sampsonius (b), de muliere quâdam deglutitione difficili laborante. Aucto morbo, fame enecata fuit ægotans. Aperto cadavere, Œsophagus apparuit cartilagineus, à claviculæ regione ad ventriculum usque; tantaque erat ipsius constrictio ut vix setam porcinam admittere posset.

SUA est Œsophago peculiaris actio; quæ in Pharynge incipiens per totum ipsius tractum, eodem ritu successivè ad ventriculum usque propagatur. Alimenta versùs Pharyngem impulsâ, suâ præsentia partem tubi titillant, muscoli constituentes fortius statim contrahuntur, suprâ massam contentam agunt. Resistunt equidem velum palati, & aliæ partes oris; sed cum reparandorum urgeat necessitas, hinc etiam non retròpelluntur deglutita; naturali dispositione & appetitu versùs partem vicinam inferiorem determinantur: ibi repetitâ eâdem actione eadem fiunt: sicque successivè in omnibus tubi partibus. Hanc actionem, molestâ sensatione, probant deglutita justò calidiora aut mole majora.

ALIMENTA proprio pondere versùs ventriculum determinari incassum objiceretur. Gravitas rectaque corporis in homine dispositio favere quidem possunt; at præcipuè operatur partium actio. Ex quadrupedibus pleraque deglutiunt, capite inclinato; homines resupini absorbent, imò inversi, & supra caput recumbentes solida & fluida deglutiunt & versùs ventriculum impellunt. Hic certè non gravitatis sed actionis determinatæ effectus.

(a) Gerard. Blasi, observ. Med. Anat. part. 4. observat. 8.

(b) Miscell. curios. ann. 1713. obs. 170. Boneti Medic. Sept. lib. 3. de Œsophag. affectib. Sect. 1. cap. 1.



ABSOLUTA Œsophagi actione in superiori ventriculi orificio; contenta non refluunt: obstat Diaphragma Œsophagum constringens, ita ut in homine sano vapores in ventriculo coerceantur, nisi ex vitio, & sæpius cum dolore quodam, erumpant. Ventriculo pleno incurvatur etiam Œsophagus, indeque reditus difficilior.

## §. II.

ŒSOPHAGUS transmittendis alimentis dicatus, ipsorum transitum, moram verò non sine incommodo, imò & periculo patitur. Hinc corpora quælibet deglutita intrâ Œsophagum hærentia, ipsiusque functionibus noxia, tanquam extranea non immerito haberi debent.

Ex his corporibus, quædam aut quantitate suâ tantum nocent, sic carniū frustula, fructus, panis, aliaque alimenta iusto majori quantitate deglutita; aut duriora, æqualia, mole suâ canalem obstruunt: talia sunt ossa minora, cartilagine, glandes plumbeæ, globuli vitrei, nummi aurei, aut argentei, nuclei, &c. Alia tum propter figuram inæqualem, pungentem, secantem, ut acus, vitri fragmenta, majorum piscium ossa, spinæ, aristæ, ossa inæqualia; tum propter materiam, ut corpora cuprea, non tantum nocent, sed etiam partibus periculum injicere possunt; undè patet majora & quidem pertimescenda sæpius oriri accidentia, quæ corporum illorum extractioni cedere tantum possunt.

EXTRACTIO licet præcipua sit indicatio curatoria, omnibus tamen in casibus non una eademque competit curandi norma: varia pro variâ corporum naturâ, figurâ, mole, situ celebranda *Encheyresis*. Arduum sanè sæpius & urgens hoc opus! At prælucente observationum face, jam adsunt præcepta quædam, quibus minùs anceps, minùs timida, imò certior oritur Praxis (a).

CORPORA quælibet in Pharinge aut superiori Œsophagi parte hærentia, si digitis aut instrumentis detur aditus, quantum res ægri permittunt, extrorsum sunt attrahenda. Si profundius fissantur, alia advocanda sunt auxilia.

(a) Vid. Egreg. Dissert. M. Hevin, in quâ non minus doctè quam fusè examinatur Chirurgia corporibus extraneis intrâ Œsophagum hærentibus competens. *Mém. de l'Acad. Royal. Chirurg. Tom. I.*



5

Ad quatuor capita præcipua hanc Chirurgiam revocabimus.

I. CORPORA quæ quantitate tantum nocent, si foras attrahi non possunt, intrà ventriculū sunt impellenda: item & corpora quæ mole suâ canalem obstruunt, modò tamen corporum moles sit proportionata canali, & partem ipsius inferiorem transmigrare valeat. Adhunc finem conducunt, *porrum*, *cereum oblongum oleo imbutum*, *specillum argenteum*, aut *plumbeum*, *filum ex ferro intortum*, *plumbo olivali armatum*, quibus intra Œsophagum prudenter admissis, materia obstruens versùs ventriculū impellitur. Porrum licet sæpiùs utile fuerit, attamen cum frangi possit, alia media & præsertim cereum oblongum anteponienda. Hæc media majori cum utilitate adhiberi possunt. Periculum tamen est, ne corpora in ventriculo noceant præsentia, afficiantur putrefactione, ibidemque retenta inflammationes, nauseas, dolores, malaque pejora producant. Ut corpus retentum arceatur, infida & noxia foret corporum durorum, uti glandis plumbeæ, deglutitio; feliciter enim licet quandoque cesserit, temeraria tamen & lethalis non minùs judicanda hæc medicina, si quidem incassum tentatâ, accidentia & mortem accelerabit.

II. FORAS, quantum fieri potest, attrahenda sunt corpora quæ intrà ventriculū & intestina nocerent, tum ratione figuræ, tum ratione materiæ. Opus illud difficultatibus plenum & periculo etiam non vacans, absolvunt

1°. DIGITI aut volsellæ incurvata: corporibus superiùs tantum hærentibus applicari possunt.

2°. PROFUNDIUS eundem effectum edunt unci obtusi, plus minusve incurvati, quibus corpora crassiora faciliùs sustinentur, elevantur.

3°. FILUM argenteum intortum, sub finem in modum annulifians, aut annuli minores specillo flexili aut balenæ suspensi, feliciorem dabunt eventum, si corpora minora, uti acus, piscium ossa & alia, dimovenda sunt & attrahenda: ad eundem finem proponitur spongia specillo aut instrumento ad id accommodato alligata (a).

(a) Vid. hujus instrumenti, Descript. & Figur. *Mém. de l'Acad. Royal. de Chirurg.* tom. I.



4°. LICET minùs certa , corporum expulſioni etiam favere poſſunt , vomitus , ſternutatio , tuſſis , imò percuffio ſuprà dorſum ; hæc , pro Chirurgi prudentiâ , diverſimodè tentanda. Variis hiſce mediis incaſum adhibitis , non abſtinendum ab oleoſis , mucoſiſque medicamentis quibus irritatio præcavetur , corpora obliniuntur , faciùsque proindè expelluntur.

III. LICET corpora quædam tùm figurâ , tùm materiâ interiùs nocere queant , ideòque ad ægri bonum foràs ſint attrahenda , attamen ſi difficilis aut periculofa fiat hæc attractio , ſi ſuâ præſentiâ intrâ Œſophagum , periculum ſuffocationis facere poſſint , tum cum res ægroti urgeant , *melius eſt anceps experiri remedium quam nullum* ; ideòque ſi foràs attrahi nequeant corpora noxia , verſùs ventriculum impelli ſatius eſt. Experienciâ conſtat corpora inæqualia , vitrea , cuprea , aliaque etiam longa , ventriculum ingreſſa , poſt accidentia modò majora , modò minora per anum expulſa fuiſſe. In caſibus arduis anteponenda ergo hæc Praxis ; ſiquidem tunc adhiberi poſſunt largâ doſi , potus aquoſi , oleoſi , mucilaginofi , necnon alia pro indicationibus remedia generalia (a). His remediis , laxantur ventriculus & inteſtina , levantur dolores , præcaventur accidentia , felixque obtinetur curatio.

IV. ILLA eſt quandoque corporum acutorum intrâ Œſophagum profunda adhæſio , tanta quandòque ipſorum moles , ut nec foràs attrahi , nec verſùs ventriculum impelli valeant. Periculofa licet , non desperata tamen ægri ſalus. Natura ſæpiùs inauditas calcat curationis vias ; Ars quandòque feliciter audax prudenter interiora ſecat & partes liberat ; deniquè naturâ viam monſtrante , paſſibus æmulis , non rarò ad nova tendit ars ſalutaris , ſicque felici concurſu , ſalutem vix ſperandam offerunt.

QUID tunc ſit agendum Chirurgo , elucidabunt ritè conſiderata corporum retentorum indoles & effectus. Corpora inæqualia , acuta , modò ſint minora , fluidorum imò & ſolidorum deglutitioni non ſemper obſiſtunt ; expectandum ergò , cum res non urgeant ; ſi enim ſint minora , lævigata & acuta , ut acus ; perforato Œſophago ſæpiùs per textum cellularem progrediuntur ad cutem uſque , ibique , dolore præſentiam indicante , vul-

(a) Plurim. exempl. videri poſſunt in Diſſert. laudat. pag. 510.  
Acad. Reg. Chirurg. Tom. I,



7

nusculo arte facto, extrahuntur. Quandoque per corpus grassantur, evanescent accidentia: post longius tempus corpora hic aut illic fortuito hæsitantia, dolorem, inflammationem, suppurationem promovent: apertoque abcessu, æger præteriti ferè immemor, miratur oblitum corpus foràs educi.

CORPORA minora, inæqualia, intrà Œsophagi membranas partim hospitantia, ut ossium fragmenta, suppuratione ortâ, eroduntur, à partibus vicinis spontè liberantur, & in ventriculum delabuntur: horum exempla plurima prostant apud Authores. Hic ab usu non removenda sunt cataplasmata emollientia, aut suppurationia, utpotè huic scopo faventia.

DUM corpora majora intrà Œsophagum hærent, tunc canalem adimplent; tantâ vi quandoque partes vicinas premunt, ut periculum sit in morâ, sæpiusque mortis repentinæ causa fiant. Ad operationem, arduam licet, confugiendum & secandus Œsophagus. Hanc operationem primus proposuisse videtur VERDUC (a), ipsius necessitatem & possibilitatem ex anatomia & analogiâ post operationes in canibus institutas stabilivit CELEBERR. GUATTANI (b), deniquè eventum in hominibus confirmant laudandæ observationes (c).

CORPORIS noxii præsentiam indicant, dolor & tumor, sicque sæpius indicatur operationis locus. Si absit tumor & tamen urgenti accidentium cohorte, corporis præsentia in dubium revocari nequeat, nihilominus instituenda operatio.

ÆGROTI capite retrorsum inclinato & firmato, cutis secundum tracheæ longitudinem incidenda; separandi sunt, quantum licet, musculi *sternohyoidei* & *sternothyroidei* inter quos procedendum, vitato nervo recurrente; aperiendus postea secundum longitudinem Œsophagus: sicque volsellis minoribus corpus extrahitur. Majorem ad usum etiam prodest hæc operatio; si quidem volsellis incurvatis, corpus situm superius aut inferius respectu incisionis, facile potest educi; sin minus versum ventriculum impelli.

(a) *Patholog. Tom. 2. ch. 27.*

(b) *Mém. de l'Acad. Royal. de Chirurg. Tom. 3.*

(c) *Ibid. Histor. ubi commemorantur duæ Observat. supra dictæ.*



Post operationem, fasciâ uniente vulnus deligandum; absti-  
nendum ab alimentis, sicque paucis diebus absolvitur curatio;  
Quanta inde speranda evincunt observationes suprà laudatæ, nec-  
non vulnera Œsophagi majora absque accidentibus facîle sanata.

